

TRUCK DI SEGURIDAD SPECIAL PA ARUGAS



ORANJESTAD (AAN): Ayera e compania Arugas a ricibi un truck specialmente relaciona cu seguridad. Manera ta conoci cu Arugas, dentro di poco lo muda pa Barcadera, unda ya caba tankinan y instalacionnan di basta inversion a worde construi.

Ta intencion, na momento cu inicia cu e operacion, tanquero di gas lo descarga na Barcadera mes directamente pa e tankinan cu a worde construi.


Pa e operacion aki a tene

cuenta cu hopi factor, cual seguramente ta seguridad. Gerencia a manda busca un truck special cu dos cañon instala riba nan, cu por worde usa den caso di emergencia. E truck por carga basta awa, pa domina eventualmente un incendio.

Pa esnan cu lo bay maneha e truck special aki, lo tin curso cual e personal lo sigui y alaves seguramente pa seguridad.

Esaki ta un exigencia halto cu e gerente ta exige.

BIBLIOTECA CU E PROME PASO DEN E ERA NOBO



ORANJESTAD [AAN] Na e ceremonia chiquito pero significativo tabata presente Ministro sra.Beke-Martinez, president y director di UNOCA, representantenan di Dynix, Management team, grupo di trabao automatizacion y miembronan di personal di Biblioteca.

Manera ya anuncia, Biblioteca Nacional Arubano ta den e proceso di automatizacion. Desde siman pasa specialistanan di "Dynix

Nederland" e compania cu ta automatiza Biblioteca ta na Aruba pa instala e aparatonan y e programanan. Tambe nan a duna training na un parti di e personal. E otro miembronan di personal lo ricibi training di e profesionalnan di Biblioteca mes.

E era di automatizacion di Biblioteca a cuminsa cu e proyecto Banco di dato cultural y social ta un servicio nobo cu BNA pronto lo bai ofrece y ta encera un banco di

informacion tocante organizacionnan cultural y social. Hincando e datonan di UNOCA como e prome organizacion cultural den e banco. Biblioteca kier a duna credito na UNOCA pa su aporte na e proyecto. E acto a keda efectua door di un di e trahadornan cu tin mas aña ta traha na Biblioteca, esta sra.Betty Goeloe. Sra.Goeloe a traha hopi aña den e era bieuw di Biblioteca y cu awor ta pone e prome paso den e era nobo di Biblioteca.

A fayece tragicamente nos Yiu, Mama, Ruman, Prima y Amiga stima

MEREDITH LUCIENNE BERKLEY

27 - 6 - '51

Mama: Olga Does
Tata: Piet Berkley y esposa
Yiunan: Rodney y Vanessa
Rumannan: Sharon Rose, esposo Juni y yiunan
Eli y yiunan
Pietje, esposa Gina y yiunan
Olguita
Alex y Emily

Ruman di crianza: Franklin Iglesias
Ex-esposo: Gerrit Meijer
Tantanen: Tula, Muñeca, Lientje, Lidia, Selma, Mirna, Irene y Ingrid
Omonan: Pilú, Bubú, Edwin y Frank
Sobrino y sobrinanan
Primo y primanan

Su mihor amiganan; Margaret Irausquin y Dorinda Woiski, Gala Donata y demas amiga y amigonan

Famianan: Berkley, Does, Meijer, Hennep, Tromp, Lamper, Arends, Ciriaco, Yarzagaray, Lopez-Henriquez, Acosta, Evers, Tujeehut, Hijmering, v/d Linde, Bernavides, Chai, de Cuba, Bislick, Drost, Thielman, Wever, Contreras, Slicker, Heymans, Coffie.

Ta invita pa acto di entierro cual ta tuma lugar **Diasabra 9 di Maart 1996, pa 4'or di atardi saliendo for di Misa San Francisco pa santana catolico den Caya Ernesto Petronia.** For di 2'or di merdia e restonan mortal di "Meredith" lo ta reposa den Misa San Francisco na Playa.

Despues di entierro no ta ricibi bishita di condolencia na cas

Pero tin oportunidad pa condoleer, **Diabierna, 8 di Maart for di 7'or pm pa 9'or pm., na Mementomori Funeral Home, Arendstraat Nr 105**

